

四庫全書

集部

欽定四庫全書

集部
唐詩鏡卷四十七至
九

詳校官庶吉士臣范逢恩

主事銜臣徐以坤覆勘

總校官編修臣王燕緒

校對官編修臣周 鉉

謄錄監生臣吳貽棟

欽定四庫全書

唐詩鏡卷四十七

明 陸時雍 編

中唐第十九

李賀

字長吉鄭王之後七歲能屬文為人纖瘦通眉長指爪能疾書常出騎弱馬從小奚奴背破錦囊遇

所得書投囊中未先立題然後為詩其辭尚奇絕所得皆絕去翰墨畦逕時無能效者樂府數十篇雲韶諸公皆合之管絃賀為協律郎太和五年卒年二十七有詩集五卷傳于世杜牧李商隱為之序

世傳李賀為詩中之鬼非也鬼之能詩文者亦多矣其言清而哀賀乃魔耳魔能眩悶迷人賀詩

之可喜者
峭刺獨出

五言古詩

感諷

南山何其悲鬼雨灑空草
長安夜半秋風前幾人老
低迷黃昏逕裊裊青櫟道
月午樹立影一山唯白曉
漆炬迎新人幽壙螢擾擾

幽楚于鬼
趣最近

石根秋水明石畔秋草瘦
侵衣野竹香蟄蟄垂葉厚
岑

中月歸來蟾光掛空秀桂露對仙娥星星下雲逗淒涼
梔子落山瑩泣清漏下有張仲蔚披書案將朽

七言古詩

夜來樂

紅羅複帳金塗蘇華燈九枝懸鯉魚麗人映月開銅鋪
春水滴酒猩猩沽價重一篋香十株赤金瓜子兼雜麩
五色絲封青玉鳧阿侯此笑千萬餘南軒漢轉簾影疎
桐林啞啞挾子烏劔崖鞭節青石珠白駒吹湍凝霜鬚

漏長送珮承明廬倡樓嵯峨明月孤續客下馬故客去
綠蟬秀黛重拂梳

李賀好作怪句其實下語多拙
白駒吹湍凝霜積謂噴玉也

夜坐吟

踏踏馬蹄誰見過眼看北斗直天河西風羅幕生翠波
鉛華笑妾顰青蛾為君起唱長相思簾外嚴霜皆倒飛
明星爛爛東方陞紅霞稍出東南涯陸郎去矣乘斑駘

味老
而辛

江南弄

江中綠霧起涼波
天上疊嶽紅嵯峩
水風浦雲生老竹
渚暝蒲帆如一幅
鱸魚千頭酒百斛
酒中倒卧南山綠

吳歛越吟未終曲
江上團團帖寒玉

餽當
作歛

末句滕
朧眈况

鴈門太守行

黑雲壓城城欲摧
甲光向月金鱗開
角聲滿天秋色裏
塞上燕脂凝夜紫
半捲紅旗臨易水
霜重鼓寒聲不起

報君黃金臺上意提攜玉龍為君死

塞上燕脂凝夜紫燕脂二字難
下霜重鼓寒聲不起語甚有色

浩歌

南風吹山作平地帝遣天吳移海水王母桃花千遍紅
彭祖巫咸幾迴死青毛驄馬參差錢嬌春楊柳含細煙
箏人勸我金屈卮神血未凝身問誰不須浪飲丁都護
世上英雄本無主買絲繡作平原君有酒維澆趙州土
漏催水咽玉蟾蜍衛娘髮薄不勝梳看見秋眉換新綠

二十男兒那刺促

買絲二語苦而
晚衛娘句便

秦宮詩

漢人秦宮將軍梁冀之嬖奴也秦宮得寵內舍故以
驕名大譟於人予撫舊而作長辭以馮子都之事相
為對望又云昔有之詩

越羅衫袂迎春風玉刻麒麟腰帶紅樓頭曲宴仙人語
帳底吹笙香霧濃人間酒煖春茫茫花枝入簾白日長

飛隄複道傳籌飲十夜銅盤膩竹黃
禿襟小袖調鸚鵡
紫繡麻霞踏哮虎斫桂燒金待曉筵
白鹿青蘇夜半煑
桐英永巷騎新馬內屋深屏生色畫
開門爛用水銜錢
卷起黃河向身瀉皇天厄運猶曾裂
秦宮一生花底活
鸞篋奪得不還人醉睡氍毹滿堂月

樓頭二語狀其喁喁咄咄殷殷款款禿襟二語鵬
駿之甚卷起黃河向身瀉言迴天之勢也作詩如
此直謎語耳要是真不足故飾之
豈奇瑰耶鸞篋何物語甚無肯

神絃

女巫澆酒雲滿空玉鑪炭火香
蓼蓼海神山鬼來座中
紙錢窳窳鳳颺風相思木帖金
舞鸞攢蛾一噴重一彈
呼星召鬼歆杯盤山魃食時人
森寒終南日色低平灣
神兮長在有無間神喚神喜師
更顏送神萬騎還青山

語有聲格神兮長在有無間此
語犯手楚辭云神之來兮如雲

筵篋引 一作公無渡河

公乎公乎提壺將焉如屈平沈湘不足慕徐衍入海誠
為愚公乎公乎牀有菅席盤有魚北里有賢兄東隣有

小姑隴畝油油黍與葫瓦甌濁醪蟻浮浮黍可食醪可
飲公乎公乎其奈君被髮奔流竟何如賢兄小姑哭嗚

嗚

語似招魂
略有情致

李憑箏篔引

吳絲蜀桐張高秋空山凝雲頽不流江娥啼竹素女愁
李憑中國彈箏篔崦山玉碎鳳凰叫芙蓉泣露香蘭笑
十二門前融冷光二十三絲動紫皇女媧煉石補天處

石破天驚逗秋雨夢入神山教神媪老魚跳波瘦蛟舞
吳質不眠倚桂樹露脚斜飛濕寒兔

一二
佳句

天上謠

天河夜轉漂迴星銀浦流雲學水聲玉宮桂樹花未落
仙妾採香垂佩纓秦妃捲簾北窓曉窻前植桐金鳳小
王子吹笙鶴管長呼龍耕煙種瑤草粉霞紅綬藕絲裙
青洲步拾蘭苕春東指羲和能走馬海塵新生石山下

銀浦句縹
細得趣

貝宮夫人

丁丁海女弄金環
雀釵翹揭雙翅關
六宮不語一生閒
高懸銀榜照青山
長眉凝綠幾千年
清涼堪老鏡中鸞
秋肌稍覺玉衣寒
空光帖妥水如天

秦王飲酒

秦王騎虎遊八極
劍光照空天自碧
羲和敲日玻璃聲
劫灰飛盡古今平
龍頭瀉酒邀酒星
金槽琵琶夜振振

洞庭雨脚來吹笙酒酣喝月使倒行銀雲擲擲瑤殿明
宮門掌事報一更花樓玉鳳聲嬌擗海綃紅文香淺清
黃鶯跳舞千年能仙人燭樹臘煙輕清琴醉眼淚泓泓

花樓玉鳳聲嬌擗海綃紅紋香
淺清二語有色末語醉態如寫

洛姝真珠

真珠小娘下清廓洛苑香風飛綽綽寒鬢斜釵玉燕光
高樓唱月敲懸璫蘭風桂露灑幽翠紅絃裊雲咽深思
花袍白馬不歸來濃蛾疊柳香脣醉金娥屏風蜀山夢

鸞裾鳳帶行煙重八鬃籠晃臉差移日絲繁散曛羅洞
市南曲陌無秋涼楚腰衛鬢四時芳玉喉窸窸排空光
牽雲曳雪留陸郎

濃娥疊柳語滯鸞裾鳳帶行煙重不言輕言重形
容得雅八鬃二語意景絕佳覺得晶光照照氣色
氤

金銅仙人辭漢歌 并序

魏明帝青龍元年八月詔宮官牽車西取漢孝武捧
露盤仙人欲立置殿前宮官既折盤仙人臨載迺潛

然淚下唐諸王孫李長吉遂作金銅仙人辭漢歌

茂陵劉郎秋風客夜聞馬嘶曉無跡畫欄桂樹懸秋香
三十六宮土花碧魏官牽車指千里東關酸風射眸子
空將漢月出宮門憶君清淚如鉛水衰蘭送客咸陽道
天若有情天亦老攜盤獨出月荒涼渭城已遠波聲小

天若有情天亦老句俚而嫩
渭城已遠波聲小落意復遠

高軒過

韓員外愈皇甫侍御
湜見過因而命作

華裙織翠青如葱金環壓轡搖玲瓏馬蹄隱耳聲隆隆

入門下馬氣如虹云是東京才子文章鉅公二十八宿
羅心胷九精照耀貫當中殿前作賦聲摩空筆補造化
天無功龐眉書客感秋蓬誰知死草生華風我今垂翅

附冥鴻他日不羞蛇作龍

九精照耀一作元精耿耿

梁臺古愁

梁王臺沼空中立天河之水夜飛入臺前鬪玉作蛟龍
綠粉掃天愁露濕撞鐘飲酒行射天金虎感裘噴血斑
朝朝暮暮愁海翻長繩繫日樂當年芙蓉凝紅得秋色

蘭臉別春啼脉脉蘆洲客鴈報春來寥落野湟秋漫白

江樓曲

樓前流水江陵道鯉魚風起芙蓉老曉釵催鬢語南風
抽帆歸來一日功墨吟浦口飛梅雨竿頭酒旗換青苧
蕭駭浪白雲差池黃粉油衫寄郎主新槽酒聲苦無力
南湖一項菱花白眼前便有千里愁小玉開屏見山色

將進酒

琉璃鍾琥珀濃小槽酒滴真珠紅烹龍庖鳳玉脂泣羅

屏繡幕圍香風吹龍笛擊鼉鼓皓齒歌細腰舞况是青
春日將暮桃花亂落如紅雨勸君終日酩酊醉酒不到
劉伶墳上土

桃花亂落如紅
雨是一佳句

美人梳頭歌

西施曉夢綃帳寒香鬟隨髻半沈檀轆轤咿啞轉鳴玉
驚起芙蓉睡新足雙鸞開鏡秋水光解鬟臨鏡立象牀
一編香絲雲撒地玉釵落處無聲膩纖手卻盤老鴉色

翠滑寶釵簪不得春風爛熳惱嬌慵十八鬟多無氣力
粧成髮鬢歌不斜雲裾數步踏鴈沙背人不語向何處
下階自折櫻桃花

玉釵落處無聲膩襯貼
形容得佳結語有致

南山田中行

秋野明秋風白塘水溇溇蟲嘖嘖雲根苔蘚山上石冷
紅泣露嬌啼色荒畦九月稻叉牙蟄螢低飛隴徑斜石
脈水流泉滴沙鬼燈如漆點松花

末二語

幽楚

長平箭頭歌

漆灰骨末丹水砂淒淒古血生銅花白翎金斝雨中盡
直餘三脊殘狼牙我尋平原乘兩馬驛東石田嵩塢下
風長日短星蕭蕭黑旗雲濕懸空夜左魂右魄啼肌瘦
酪瓶倒盡將羊炙蟲棲鴈病蘆筍紅迴風送客吹陰火
訪古汎瀾收斷鏃折鋒赤墜曾封肉南陌東城馬上兒
勸我將金換簳竹

折鋒赤瑩曾
剗肉佳句

大堤曲

妾家住橫塘紅紗滿桂香青雲教綰頭上髻
明月與作耳邊璫蓮風起江畔春大堤上留
北人郎食鯉魚尾妾食猩猩脣莫指襄陽道
綠蒲歸帆少今日菖蒲花明朝
楓樹老

古意

新詞

有所思

去年陌上歌離曲今日君書遠遊蜀
簾外花開二月風
臺前淚滴千行竹
琴心與妾腸
此夜斷還續
想君白馬
懸雕弓
世間何處無春風
君心未肯鎮如石
妾顏不久
如花紅
夜殘高碧橫
長河河上無梁空
白波西風未起
悲龍梭
年年織素攢雙蛾
江山迢遞無休絕
淚眼看燈
乍明滅
自從孤館深鎖窗
桂花幾度圓
還缺鴉鴉向曉
鳴森木
風過池塘響
叢玉白日蕭條
夢不成
城南更問
仙人卜

春懷引

芳溪密影成花洞
柳結濃煙花帶重
蟾蜍碾玉掛明弓
捍撥裝金打仙鳳
寶枕垂雲選春夢
鈿合碧寒龍腦凍
阿侯繫錦覓周郎
憑杖東風好相送

蘇小小墓

幽蘭露如啼眼
無物結同心
煙花不堪剪
草如茵
松如蓋
風為裳
水為珮
油壁車久相待
冷翠燭勞光彩
西陵下風吹雨

冷翠

堪把

谿晚涼

白狐向月號山風
秋寒掃雲留碧空
玉煙青濕白如幢
銀灣曉轉流天東
溪汀眠鷺夢征鴻
輕連不語細游溶
層岫迴岑複疊龍
苦篁對客吟歌筒

秋來

桐風驚心壯士苦
衰燈絡緯啼寒素
誰看青簡一編書
不遣花蟲粉空蠹
思牽今夜腸應直
雨冷香魂弔書客

秋墳鬼唱鮑家詩
恨血千年土中碧

河南府試十二月樂詞

上樓迎春新春歸
暗黃著柳宮漏遲
薄薄淡靄弄野姿
寒綠幽風生短絲
錦牀曉卧玉肌冷
露臉未開對朝暝
官街柳帶不堪折
蚤晚菖蒲勝綰結

右正月

飲酒採桑津
宜男草生蘭
笑人蒲如交
綬風如熏
勞勞胡鶯怨
酣春薇帳逗
煙生綠塵金
翅蛾髻愁
暮雲沓
颯起舞真珠
袞津頭送別
唱流水酒客
背寒南山死

右二月

東方風來滿眼春花城柳暗愁殺人
複宮深殿竹風起
新翠舞衿淨如水光風轉蕙百餘里
暖霧驅雲撲天地
軍裝宮妓掃娥淺搖搖錦旗夾城暖
曲水飄香去不歸

梨花落盡成秋苑

右三月

離宮散螢天似水竹黃池冷芙蓉死
月綴金鋪光脈脈
涼苑虛庭空澹白露華飛飛風草草
翠錦爛斑滿層道

鷄人唱罷曉瓏璵鴉啼金井下疎桐

右九月

玉壺銀箭稍難傾缸花夜笑凝幽明
碎霜斜舞上羅幕

燭籠兩行照飛閣珠帷怨卧不成眠金鳳刺衣著體寒
長眉對月鬪彎環

右十月

勉愛行送小季之廬山

南雲北雲空脈斷靈臺經絡懸春綫青軒樹轉月滿牀
下國饑兒夢中見維爾之昆二十餘年來持鏡頗有鬚
辭家三載今如此索米王門一事無荒溝古水光如刀
庭南拱柳生蟻螯江干幼客真可念郊原晚吹悲號號

送沈亞之歌

并序

文人沈亞之元和七年以書不中第返歸於吳江吾
悲其行無錢酒以勞又感沈之勤請迺歌一解以勞
之

吳興才人怨春風桃花滿陌千里紅紫絲竹斷驄馬小
家住錢塘東復東白藤交穿織書笈短策齊裁如梵夾
雄光寶礦獻春卿煙底暮波乘一葉春卿拾才白日下
擲置黃金解龍馬攜笈歸江重入門勞勞誰是憐君者
吾聞壯夫重心骨古人三走無推梓請君待旦事長鞭

他日還輓及秋律

五言律詩

七夕

別浦今朝暗羅帷
午夜愁鵲辭穿線
月花入曝衣樓天
上分金鏡人間望
玉鈎錢塘蘇小小
更值一年秋

三四新琢花入曝衣樓
此際無花故為此語

過華清宮

春月夜啼鴉宮簾隔御花雲生
朱絡暗石斷紫錢斜玉

枕盛殘露銀燈點舊紗蜀王無近信泉上有芹芽

新楚
整峙

五言排律

潞州張大宅病酒遇江使寄上十四兄

秋至昭關後當知趙國寒
繫書隨短羽寫恨破長箋
病客眠清曉疎桐墜綠鮮
城鴉啼粉堞軍吹壓蘆煙
岸幘褰紗幌枯塘卧折蓮
木牕銀跡畫石磴水痕錢
旅酒侵愁肺離歌繞懦絃
詩封兩條淚露折一枝蘭
莎老沙鷄

泣松乾瓦獸殘覺騎燕地馬夢載楚谿船椒桂傾長席
鱸魴斫玳筵豈能忘舊路江島滯佳年

意味

寒楚

始為奉禮憶昌谷山居

掃斷馬蹄痕衙迴自閉門長鎗江米熟小樹棗花春向
壁懸如意當簾閱角巾犬書曾去洛鶴病悔遊秦土甑
封茶葉山杯鎖竹根不知船上月誰棹滿溪雲

五言絕句

塞下曲

露下旗濛濛寒金鳴夜刻蕃甲鏢虵鱗馬嘶青塚白

馬詩

武帝愛神僊燒金得紫煙廐中皆肉馬不解上青天

七言絕句

南園

花枝草蔓眼中開小白長紅越女腮可憐日暮嫣香落
嫁與春風不用媒

尋章摘句老雕蟲
曉月當簾挂玉弓
不見年年遼海上
文章何處哭秋風

酬答

雍州二月梅池春
御水鵝鵲暖白蘋
試問酒旗歌板地
今朝誰是拗花人

盧仝

號玉川子洛陽人累舉不第韓愈為河南尹愛其詩厚禮之後因宿王涯第中遂預甘露之禍仝老

無髮奄人於腦後加釘焉以為添丁之兆有詩一卷

七言古詩

有所思

當時我醉美人家
美人顏色嬌如花
今日美人棄我去
青樓珠箔天之涯
娟娟姮娥月三五二八盈
又缺翠眉蟬鬢生
別離一望不見心
斷絕心斷絕幾千里
夢中醉卧巫山雲
覺來淚滴湘江水
湘江兩岸花木深
美人不見愁人心
含愁更奏綠綺琴
調高絃絕無知音
美人兮前疑是君

附與馬異結交詩 天地日月如等閑 虛全四十無
往還 唯有一片心 脾胃骨 嶮巖 峯 肆兀 鬱 律刀 劍 為 鋒
鈔 平地 放 著 高 如 崑 崙 山 天 不 容 地 不 受 日 月 不 敢
偷 照 耀 神 農 畫 八 卦 鑿 破 天 心 曾 女 媧 本 是 伏 義 妹
恐 天 怒 倚 鍊 五 色 石 引 日 月 之 針 五 星 之 縷 把 天 補
補 了 三 日 不 肯 歸 塔 家 走 向 日 中 放 老 鴟 月 裏 栽 桂
養 蝦 蟆 墓 天 公 發 怒 化 龍 蛇 此 龍 此 蛇 得 死 病 神 農 合
藥 救 死 命 天 怪 神 農 黨 龍 蛇 罰 神 農 為 牛 頭 令 載 元
氣 車 不 知 藥 中 有 毒 藥 藥 殺 元 氣 天 不 覺 爾 來 天 地
不 神 聖 日 月 之 光 無 正 定 不 知 元 氣 元 不 死 忽 聞 空
中 喚 馬 異 馬 異 若 不 是 祥 瑞 空 中 敢 道 不 容 易 昨 日
全 不 同 異 自 異 是 謂 大 同 而 小 異 今 日 全 自 同 異 不
異 是 謂 全 不 往 今 異 不 至 直 當 中 今 動 天 地 白 玉 璞
裏 斲 出 相 思 心 黃 金 鑛 裏 擣 出 相 思 淚 忽 聞 空 中 崩
崖 倒 谷 聲 絕 勝 明 珠 千 萬 斛 買 得 西 施 南 威 一 雙 婢
此 婢 嬌 饒 惱 殺 人 凝 脂 為 膚 翡 翠 袞 唯 解 畫 眉 朱 點

脣自從獲得君敲金縱玉凌浮雲却返顧一雙婢子
何足云平生結交若少人憶君眼前如見君青雲欲
開白日沒天眼不見此奇骨此骨縱橫奇又奇千歲
萬歲枯松枝半折半殘壓山谷盤根感節成蛟螭忽
雷霹靂卒風暴雨撼不動欲動不動千變萬化總是
鱗皴皮此奇怪物不可欺虛全見馬異文章酌得馬
異骨中事風姿骨本恰
如此是不是奇一字

王涯

字廣津太原人博學屬文擢進士宏詞為翰林學
士元和訓誥溫麗多所藁定文宗朝同平章事年
過七十貪權固位偷合李訓等不能潔
去就以至貶宗云有集十卷傳于世

五言絕句

閨人贈遠

鶯啼綠樹深燕語雕梁晚不省出門行沙場知近遠

七言絕句

宮詞

碧繡門前柳散垂守門宮女欲攀時曾經玉輦經行處
不敢臨風折一枝

李紳

字公垂亳州人為人短小精悍號短李精於詩元和初進士補國子助教累遷中書舍人武宗即位

拜中書侍郎平章事與李德裕元稹同時號三俊有追昔遊詩三卷傳于世

七言古詩

涉沅湘

屈原死處瀟湘陰
滄浪淼淼雲沈沈
蛟龍長怒虎長嘯
山水脩脩波浪深
煙橫日落驚鴻起
山映雲霞森千里
鴻叫離離入莫天
霞消漠漠深雲水
水虛江暗揚波濤
鼇鼉動盪風騷騷
行人愁望待明月
星漢沈浮魅鬼號
屈原爾為懷王沒
水府通天化靈物
何不驅雷擊電除
姦邪空作沈泉抱
冤骨舉杯瀝酒召
爾魂月影滉漾開
乾坤波白水黑山
隱見汨羅之上遙
昏昏風帆候晚看

五兩戍鼓襲襲遠山響潮滿江津猿鳥啼荆夫楚語飛
蠻漿瀟湘吊浦無人居風驚水暗惟鮫魚行來擊棹獨
長嘆問爾精魂何所如

氣暢

七言律詩

憶春日太液池東亭候對

宮鶯曉報瑞煙開三島靈禽拂水迴橋轉綠虹當綺殿
檻浮花鷁近蓬萊草承步輦王孫長桃豔仙顏阿母栽

簪筆此時方侍從却思金馬笑鄒枚

五言絕句

憫農

鋤禾日當午汗滴禾下土誰知盤中食粒粒皆辛苦

唐詩鏡卷四十七

欽定四庫全書

唐詩鏡卷四十八

明 陸時雍 編

中唐第二十

張祐

字承吉清河人陸龜蒙序略云承吉元和中作宮體小詩辭曲絕發老大稍窺建安風格蒲樂府錄

知作者本意短章大篇往往間出善題目佳境言不可刊置別處此為才子之最也由是賢俊之士及高位重名者多與之遊或薦于天子書奏不下受辟諸侯府性狷介不容物輒自劾去以曲阿地古淡遂種樹築室而家焉性嗜水石常悉力致之後知南海間罷職載羅浮石筍還不蓄善田利產為身後計太平

中卒於廿
陽集一卷

五言律詩

題真娘墓

佛地塋羅衣孤魂此是歸舞為蝴蝶夢歌謝伯勞飛翠
髮朝雲在青蛾夜月微傷心一花落無復怨春暉

三四好
視帖

題蘇小小墓

漠漠窮塵地蕭蕭古樹林臉濃花自發眉恨柳長深夜

月人何待春風鳥自吟不知誰共穴徒願結同心

五六
佳

江南作

楚塞南行久秦城北望遙少年花已過衰病柳先凋客
淚收迴日鄉心寄落潮殷勤問春鴈何處是煙霄

嫩脆

題松汀驛

山色遠含空蒼茫驛國東海明初見日江白迴聞風鳥

道高原去人煙小徑通那知舊遺逸不在五湖中

晚夏歸別業

古岸扁舟晚荒園一徑微鳥啼新果熟花落故人稀宿
潤浸苔甃斜陽照竹扉相逢盡鄉老無復話時機

三四
可口

吳宮曲

日下苑西宮花飄香徑紅玉釵斜白燕羅帶弄青蟲皓
齒初含雪柔枝欲斷風可憐傾國豔誰信女為戎

題潤州金山寺

一宿金山寺超然離世羣僧歸夜船月龍出曉堂雲樹
色中流見鐘聲兩岸聞翻思在朝市終日醉醺醺

附觀獵 殘獵渭城東蕭蕭西北風雪花鷹背上
冰片馬啼中臂挂捎荆兔腰懸落箭鴻歸來逞餘
勇兒子亂彎弓
語纖不雅

朱慶餘

按唐書作朱慶名可久以字行又字慶緒越州
人登敬宗寶曆二年進士第而官不達著錄於

藝文志
詩一卷

五言律詩

河亭

孤亭臨絕岸猿鳥識幽蹊
花落曾誰到詩成獨未題
潮痕經雨在石笋與杉齊
謝守便登陟秋來屐齒低

三四淺
而趣

秋宵燕別盧侍御

風亭絃管絕玉漏一聲新
綠茗香醒酒寒燈靜照人
清班無意戀素業本來貧
明發青山道誰逢去馬塵

附贈韓協律 永日微吟在竹前
骨清唯愛漱寒泉
門閒多有投文客
身病長無買藥錢
嶺寺聽猿頻宿湖

亭避宴動經年親知盡怪
疎茶祿的是將心暗學禪

五言絕句

送陳標

滿酌勸僮僕好隨郎馬蹄
春風慎行李莫上白銅鞮

七言絕句

宮詞

寂寂花時閉院門美人相並立
瓊軒含情欲說宮中事
鸚鵡前頭不敢言

施肩吾

字希聖睦州人隱洪州西山
元和進士第有西山集十卷

五言絕句

古曲

可憐江北女慣唱江南曲
搖蕩木蘭舟雙鳧不成浴

幼女詞

幼女纔六歲未知巧與拙
向夜在堂前學人拜新月

李幼卿

七言律詩

寄獨孤至之

近日霜毛一番新
別時芳艸兩迴春
不堪花落花開處
况是江南江北人
薄宦龍鍾心嬾慢
故山寥落水齋淪
緣君愛吾疵
瑕少願竊仁風
寄老身

賈島

字浪仙范陽人連敗文場遂為浮屠名無本來東都韓愈教其為文遂去浮屠舉進士大中末為長

江主簿有長江集十卷詩集詩格傳于世○劉公家話云島為僧居法乾寺宣宗常微行至寺聞鐘樓有吟聲遂登樓於島案取詩覽之島攘臂睨曰郎君何會此耶遂奪取詩卷帝慚下樓而去後遂除島為長

江簿

賈島詩思苦
刺瘦而有神

五言古詩

詠月

寒月破東北賈生立西南西南立倚何立倚青青杉近
月有數星星名未詳諳但愛杉倚月我倚杉為三月乃
不上杉上杉難相參眇子細視睛瞳桂枝劉目常有
熱疾久視無煩炎以手捫衣裳零露已濡霑久立雙足
凍時向股胫淹立久病足折兀然羈膠粘他人應以睡

轉喜此景恬此景亦胡及而我苦淫耽無異市井人見
金不知廉不知此夜中幾人同無厭待得上頂看未擬
歸枕函強步望寢齋步步情不堪步到竹叢西東望如
隔簾却坐竹叢外清思刮幽潛量知愛月人身願化為

蟾

有幽情而
無高韻

和劉涵

京官始云滿野人依舊閒閉扉一畝居中有古風還市

井日已午幽窻夢南山喬木覆北齋有鳥鳴其間前日
遠嶽僧來時與開關新題驚我瘦窺鏡見醜顏陶情惜
清澹此意復誰攀

送張校書李霞

從京去容州馬在船上多容州幾千里直傍青天涯掌
記試校書未稱高詞華義往不可屈出家如入家城市
七月初熱與夏未差餞君到野池秋涼滿山坡南境異
北候風起無塵沙秦吟宿楚澤海酒落桂花暫醉即還

醒彼土生桂茶

答王叅

寸晷不相待四時互如競
客思先覺秋蟲聲
苦知暝霜松積
舊翠露月團如鏡
詩負屬景同琴孤
坐堂聽相期黃菊
節別約紅桃徑
每把式微篇臨風
一長詠

哭盧仝

賢人無官死不親者亦悲
空令古鬼哭更得新隣
比平生四十年惟著白布
衣天子未辟名地府誰
來追長安

有交友託孤遽棄移塚側誌石短文字行叅差無錢買
松栽自生蒿艸枝在日贈我文淚流把讀時從茲加敬
重深藏恐失遺

苦情
淺境

詩之所云真者一率性一當情一稱物彼有過刻
以求真者雖真亦偽矣賈島近真益郊欲近而得
遠

五言律詩

就可松宿

十里尋幽寺寒流數派分僧同雪夜坐鴈向艸堂聞靜
語終燈焰餘生許嶠雲由來多抱疾聲不達明君

送鄒明府遊靈武

曾宰西畿縣三年馬不肥債多憑劔與官滿載書歸邊
雪藏行徑林風透卧衣靈州聽曉角客館未開扉

三年馬不肥一語寫作特
異債多憑劔與落想亦特

贈王將軍

宿衛爐煙近除書墨未乾馬曾金鏃中身有寶刀癡父

子同時捷君王畫陣看何當為外帥白日出長安

六語最

有生色

哭孟郊

身死聲名在多應萬古傳寡妻無子息破宅帶林泉塚
近登山道詩隨過海船故人相吊後斜日下寒天

六語

微韻

送李騎曹

歸騎雙旌遠懼生此別中蕭關分磧路嘶馬背寒鴻朔

色晴天北河源落日東貪蘭山頂艸時動捲帆風

六語
警絕

送杜秀才東遊

東遊誰見待盡室寄長安別夜葉頻落去程山已寒大
河風色度曠野燒煙殘匣有青銅鏡時將照鬢看

三四
清硬

送天台僧

遠夢歸華頂扁舟背岳陽寒蔬修淨食夜浪動禪牀鴈

過孤峯曉猿啼一樹霜身心無別念餘習在詩章

六語

清苦

訪李甘原居

原西居處靜門對曲江開石縫銜枯艸查根上淨苔翠
微泉夜落紫閣烏時來仍憶尋淇岸同行採蕨回

三四人所不賦然賦亦不佳若無四句相映石縫語便寒儉矣

憶江上吳處士

閩國揚帆去蟾蜍虧復圓秋風吹渭水落葉滿長安此

地聚會夕當時雷雨寒
蘭橈殊未返消息海雲端

三四興
致自然

送鄭少府

江岸一相見空令惜此分
夕陽行帶月酌水少留君
野地初燒艸荒山過雪雲
明年還調集蟬可在家聞

三四意
景佳絕

子規

遊魂自相叫寧復記前身
飛過隣家月聲連野路春
夢

邊催曉急愁處送風頻自有霑花血相和雨滴新

清切
不俚

寄山友長孫栖霞

此時氣蕭颯琴阮可應闌鶴似君無事風吹雨遍山松
生青石上泉落白雲間有逕連高頂心期相與還

三四琢極自然上句倒裝得妙次之贈紹明上人
便有上方嵩古寺下視雨和烟之句 鶴似君無
事風吹雨遍山此是賈島勝
場然氣韻枯寂自不能掩

附題李凝幽居 閒居少隣並艸徑入荒園鳥宿池
邊樹僧敲月下門過橋分野色移石動雲根暫去還

來此幽期不負言 三四苦而
采絕少生韻酷似老衲興味

附送沈鶴 家楚壻於秦搗妻去養親陸行千里外
風捲一帆新夜泊疏山兩秋吟搗藥輪蕪城登眺後
才動廣陵人 賈島韻雖偏側然清切不浮猶愈于
空大而無實者如酬姚少府柴門掩寒雨蟲響出秋
蔬送貞空二上人石磬疎寒韻銅瓶結夜澌秋暮值
鶴因臨水迎僧忽背雲夜喜賀蘭三見訪踏苔行引
興枕石卧論文題青龍寺鏡公房孤燈龕舍掩殘磬
雪風吹送姚杭州人老江波釣田侵海樹耕寄朱錫
珪長江人釣月曠野火燒風暮過山村怪禽啼曠野
落日恐行人原東居喜唐溫琪頻至汲井嘗泉味聽
鐘問寺名送獨孤馬二秀才居明月山讀書家辭臨
水郡身到讀書山語境俱佳如宿贄上人房朱點草
書疏雪平麻履蹤僻居無可上人相訪硯中枯葉落
枕上斷雲閒郊居即事葉書傳野意簷溜煎胡茶語

近寒儉送無可上人獨行潭
底影數息樹邊身則卑下矣

七言律詩

上谷旅夜

世難那堪恨旅遊
龍鍾更是對窮秋
故園千里數行淚
隣杵一聲終夜愁
月到寒窻空皓晶
風翻落葉更颼颼
此心不向常人說
倚識平津萬戶侯

三四語
何清硬

詠懷

縱把書看未省勤
一生計祇長貧
可能在世無成事
不覺離家作老人
中嶽深林秋獨往
南原多草夜無隣
經年抱疾誰來問
野鳥相過啄木頻

三四宛
轉深至

送羅少府歸牛渚

作尉長安始三日
忽思牛渚夢天台
楚山遠色獨歸去
灞水空流相送回
霜覆鶴聲松子落
月分螢影石房開
白雲多處應頻到
寒澗泠泠漱古苔

三四未為晚格五六過
擬大體細作當不相類

五言排律

寄賀蘭朋吉

徃徃東林下花香似火焚
故園從小別夜雨近秋聞
野菜連寒水枯株簇古墳
泛舟同遠客尋寺入幽雲
斜日扉多掩荒田徑細分
相思蟬幾處偶坐蝶成群
會宿曾論道登高省議文
苦吟遙可想邊葉向紛紛

語色清洗
絕遠鈍氣

寄武功姚主簿

居枕江沱北情懸渭曲西
數宵曾夢見幾處得書披
驛路穿荒坂公田帶淤泥
靜棊功奧妙閒作韻清淒
鋤草留叢藥尋山上石梯
客迴河水漲風起夕陽低
空地苔連井孤村火隔溪
捲簾黃葉落鎖印子規啼
隴色澄秋月邊聲入戰輦
會須過縣去况是屢招攜

卷簾黃葉落意景適然
鎖印子規啼牽強無味

題劉華書齋

白石牀無塵青松樹有鱗一鶯啼帶雨兩樹各從春荒
榭苔膠砌幽叢果墮榛偶來疎或數當暑夕勝晨露滴
星河水巢重艸木薪終南同往意趙北獨遊身渡葉司
天漏驚蛰遠地人機清公幹族也莫卧漳濱

一鶯啼帶雨兩樹各從春
最是佳句但兩字着意下

五言絕句

劍客

十年磨一劍霜刃未曾試今日把似君誰為不平事

送別

丈夫未得意行行且低眉
素琴彈復彈會有知音知

尋隱者不遇

松下問童子言師採藥去
只在此中行雲深不知處

七言絕句

和韓吏部泛南溪

溪裏晚從池岸出石泉秋急
夜深聞木蘭船共山人上月
映渡頭零落雲

景趣
清幽

訓姚合

黍穗豆苗侵古道晴原午後早秋時
故人相憶僧來說
楊柳無風蟬滿枝

渡桑乾

客舍并州已十霜歸心日夜憶咸陽
無端更渡桑乾水
却望并州是故鄉

贈梁浦秀才斑竹拄杖

揀得林中最細枝
結根石上長身遲
莫嫌滴瀝紅斑少
恰似湘妃淚盡時

三月晦日贈劉評事

三月正當三十日
風光別我苦吟身
共君今夜不須睡
未到曉鐘猶是春

中唐
巧境

哭孟東野

蘭無香氣鶴無聲
哭盡秋天月不明
自從東野先生死

側近雲山得散行

過京索先生墳

京索先生三尺墳，秋雲漠漠吐寒雲。
從來有恨君多哭，今日何人更哭君。

姚合

陝州人，姚崇之曾孫。元和十一年進士，調武功尉，終秘書少監。杭州刺史，有集十卷行世。

五言律詩

閒居晚夏

閒居無事擾，舊病亦多痊。
選字詩中老，看山屋外眠。
片

霞侵落日繁柳咽鳴蟬對此心還樂誰知乏酒錢

三語
僻趣

附題李頻新居蓋地花如繡當門竹勝
簾過靈泉寺轉磴驚飛鳥穿山踏亂雲

七言絕句

遊天台上房

曉上上方高處立路人羨我此時身白雲向我頭上過
我更羨他雲路人

晦日宴劉值錄事宅

花落鶯飛深院靜，滿堂賓客盡詩人。
城中五酒家家有，唯是君家酒送春。

酬令狐郎中見寄

昨是兒童今是翁，人間日月疾如風。
常聞欲向滄江去，除我無人與子同。

樓頽

七言絕句

西施石

西施昔日浣沙津石上青苔思殺人一去姑蘇不復返
岸傍桃李為誰春

僧懷濬

七言絕句

僧懷濬不知何所人乾寧初知來識徃皆有神
驗刺史于公以其惑衆繫而詰之乃以詩代
通狀二首

家在閩山西復西其中歲歲有鶯啼如今不在鶯啼處

鶯在舊時啼處啼

家在閩山東復東其中歲歲有花紅而今不在花紅處

花在舊時紅處紅

絕趣

僧靈一

越中雲門寺律師持律甚嚴以清高為世所推尤善聲詩與劉長卿皇甫冉嚴維相倡和高

仲武云自齊梁以來道人工文多矣罕有入其流者一公乃能刻意精妙與士大夫更唱迭和不其偉歟

五言律詩

春日山齋

野徑東風起山扉度日開晴光析紅萼流水長青苔
逋客殊未去芳時已再來非關戀春草自是欲徘徊

七言絕句

僧院

虎溪閒月引相過帶雪松枝挂薜蘿無限青山行欲盡
白雲深處老僧多

僧清江

大歷時人與章八元同倡和

七言絕句

送婆羅門僧

雲嶺金河獨向東，吳山楚澤意無窮。
如今白首鄉心盡，萬里歸程在夢中。

僧法振

一作法貞李益同時人

五言律詩

題天長阮少府湖上客歸

孤棹移官舍，新農寄楚田。
晴林渡海日，春草長湖煙。
卧對閒鷗戲，談經稚子賢。
佳期更何許，應向笑臺前。

七言絕句

逢友人之上都

玉帛徵賢楚客稀
猿啼相送武陵歸
潮頭望入桃花去
一片春帆帶雨飛

僧清塞

五言律詩

早秋至郭勁書齋

暑消岡舍清閒坐
有餘情石水生
茶味秋風減
扇聲遠

雲收海雨靜角旃山城此地秋吟苦時來遶菊行

七言律詩

宿隱靜寺

一宿五峯盃渡寺虛廊中夜磬聲分疎林未落上方月
幽澗忽生平地雲高鳥背泉生靜景遠人當燭想遺文
慙來此地歇勞足望斷故園滄海濱

晚秋江館

病寄西州居帶城傍門高柳一蟬鳴澄江月上見魚擲

荒徑葉乾聞犬行
越嶠夜無侵閣色
寺鐘涼有隔原聲
故園賣盡休歸去
湖水秋來空自平

三四
清沁

僧卿雲

五言律詩

秋日江居閒詠

寄居江島邊
閒詠見秋殘
草白牛羊瘦
風高獵鳥寒
檢方醫故疾
挑薺備中餐
時復停書卷
鋤沙種木蘭

三四瘦

骨如竹

僧無可

無本同
時人

五言律詩

過杏谿寺寄姚負外

門徑衆峰頭盤巖復轉溝雲僧隨樹老杏水落江流峽
犹有時到秦人今日遊謝公多晚望此景在南樓

三句可

作僧臘

韓氏

宣宗
宮人

五言絕句

題紅葉

水流何太急深宮盡日閒
殷勤謝紅葉好去到人間

梁瓊

五言律詩

銅雀臺

歌扇向陵開齊行奠玉杯
舞時飛燕列夢裏片雲來
月色空餘恨松聲暮更哀
誰憐未死妾捲袂下銅臺

劉媛

七言絕句

長門怨二首

雨滴梧桐秋夜長
愁心和雨到昭陽
淚痕不學君恩斷
拭却千行更萬行

老氣深情似不出綺羅之手

學畫蛾眉獨出羣
當時人道便承恩
經年不見君王面
花落黃昏空掩門

劉采春

浙人元稹廉問浙東有因循歸未得不是戀鱸魚之句或曰為好鑑湖春色耳春色謂采春也

五言絕句

囉嘖曲二首

不喜秦淮水生憎江上船
載兒夫婿去經歲又經年
莫作商人婦金釵當卜錢
朝朝江口望錯認幾人船

南歌子詞

斡蠟為紅燭情知不自由
細絲斜結網怎奈眼相鉤

采春五絕俱
近子夜遺聲

張夫人

吉中
孚妻

七言古詩

拜新月

拜新月拜月出堂前
暗魄深籠桂虛弓未引絃
拜新月拜月
拜月妝樓上鸞鏡未安臺
蛾眉已相向拜新月拜月不
勝情庭前風露清月臨人
自老望月更長生東家阿母
亦拜月一拜一悲聲斷絕
昔年拜月逞容儀如今拜月
雙淚垂回看衆女拜新月
却憶紅閨年少時

語不能深知
其才之有限

真氏

七言絕句

與夫嚴灌訣

灌以妻無
子出之

當時心事已相關
雨散雲收一餉間
便是孤帆從此去
不堪重過望夫山

張氏

彭伉
妻

七言絕句

寄夫二首

久無音信到羅幃
路遠迢迢遣問誰
聞君折得東堂桂
折罷那能不暫歸

驛使今朝過五湖
殷勤為我報狂夫
從來誇有龍泉劍
試割相思得斷無

劉氏

一作趙氏
杜羔妻

七言絕句

杜羔不第將至家
寄以二絕

良人的的有奇才何事年年被放回如今妾面羞君面
君到來時近夜來

語氣淺俚讀之
欲墮英雄之淚

傳聞天子訪沈淪萬里懷書西入秦早知不用無媒客
恨別江南楊柳春

自是兒女本情知
前一絕特以相嘲

聞杜羔登第

長安此去無多地鬱鬱蔥蔥佳氣浮良人得意正年少

今夜醉眠何處棲

語氣

爽人

女郎葛鵑兒

七言絕句

懷良人

蓬鬢荆釵世所稀
布裘猶是嫁時衣
胡麻好種無人種
正是歸時不見歸

一如常語

正入詩情

湘驛女子

五言絕句

題玉泉溪

紅葉醉秋色碧溪彈夜弦佳期不可再風雨杳如年

薛濤

字洪度長安良家女父鄭因官寓蜀而卒母孀養濤及笄以詩聞外又能掃眉塗粉與士俗不侔容

有竊與之燕語時韋臯鎮蜀召令侍酒賦詩僚佐多士為之改觀暮歲臯議以校書郎奏請之護軍不可遂止濤出入幕府自臯至李德裕凡歷事十一鎮皆以詩受知其間與濤唱和者元稹白居易牛僧孺令狐楚裴度嚴綬張籍杜牧劉禹錫吳武陵張祐餘皆名士濤僑止百花潭躬撰深紅小彩箋裁書供吟時

謂之薛濤箋晚歲居碧鷄坊翔吟詩樓偃息于上後
段文昌再鎮成都濤卒年七十五文昌為撰墓誌

薛濤詩氣色清老
是此中第一流人

五言絕句

罰赴邊有懷上韋相公

聞道邊城苦而今到始知却將門下曲唱與隴頭兒

風

獵蕙微風遠飄絃唳一聲林梢明浙瀝松徑夜淒清

七言絕句

送友人

水國蒹葭夜有霜，月明山色共蒼蒼。
誰言千里自今夕，離夢杳如關塞長。

送盧員外

玉壘山前風雪夜，錦宮城外別離魂。
信陵公子如相問，常向夷門感舊恩。

竹郎廟

竹郎廟前多古木，夕陽沈沈山更綠。
何處江村有笛聲。

笛聲盡是迎郎曲

柳絮

二月楊花輕復微
春風飄蕩惹人衣
他家本是無情物
一向南飛又北飛

贈楊蘊中

死後作

玉漏深長燈耿耿
東牆西牆時見影
月明花下子規啼
忍使孤魂愁夜永

語入
詞家

步非烟

臨淮武公業妾也容止纖麗不勝綺羅善秦聲好文筆尤工擊甌其韻與絲竹合公業甚嬖之

比隣有生趙象端秀有文纔弱冠一日於南垣隙中窺見非烟神氣俱喪乃厚賂公業門媼以詩誘之曰一覩傾城貌塵心只自猜不隨蕭史去擬學阿難來非烟回東兼以詩荅之非烟偶病旬日題詩并連蠅錦香囊贈趙乃踰垣相從公業後知呼烟詰之烟色動聲戰不以實告公業愈怒鞭楚血流但云生得相親死亦何恨公業咎殺之趙即變服易名窺於江淮

七言絕句

答趙象獨坐

一作寄趙生
蟬錦香囊

無力嚴妝倚繡櫺聊題蟬錦思難窮近來贏得傷春病

柳弱花歌怯曉風

情懨如絮

語軟如綿

關盼盼

徐州人節度張建封妾也善歌舞雅多風態建封沒盼念舊不嫁常居燕子樓作詩白樂天和

之盼得詩反覆讀而泣曰自公背妾妾非不能死恐百世後人以我公重色有從死之妾是玷公清範所以偷生耳乃和白公詩經句不食死有燕子樓詩集三百篇

七言絕句

燕子樓詩

樓上殘燈伴曉霜
獨眠人起合歡牀
相思一夜情多少

地角天涯未是長

語氣甘甜有
可人深處

適看鴻鴈岳陽迴又覩玄禽逼社來
瑤瑟玉簫無意緒
任從蛛網任從灰

北邙松栢鎖愁煙燕子樓中思悄然
自埋劔履歌塵散
紅褪香消二十年

滿窻明月滿簾霜被冷香銷拂卧牀
燕子樓中霜月夜
秋來祇為一人長

今春有客洛陽回曾到尚書墓上來見說白楊堪作柱
爭教紅粉不成灰

細帶羅衫色似煙幾回欲起即潸然自從不舞霓裳曲
疊在空箱二十年

黃金不惜買蛾眉揀得如花四五枝歌舞教成心力盡
一朝身去不相隨

自守空房斂恨眉形同春後牡丹枝舍人不會人深意
訝道泉臺不去隨

女冠李冶

藝文略作李裕字李蘭高仲武中興間氣集云季蘭嘗與諸賢會烏程縣開元寺知河

間劉長卿有陰重疾季蘭乃笑之口山氣日夕佳長卿對曰衆鳥欣有託舉座大笑論者美之上做班姬則不足下比韓英即有餘不以違暮亦一俊姬

五言律詩

寄校書七兄

無事烏程縣蹉跎歲月餘不知芸閣吏寂寞竟何如
遠水浮仙棹寒星伴使車因過大雷澤莫忘幾行書

女冠魚玄機

字幼微有才思善屬文咸通中為補闕李億執箕箒及愛衰入咸宜觀為女道士後

以答殷女童綠翹事下獄獄中作
詩後為京兆溫璋所殺有集行世

五言律詩

賦得江邊柳

翠色連荒岸煙姿入遠樓影鋪秋水面花落釣人頭根
老藏魚窟枝低繫客舟瀟瀟風雨夜驚夢復添愁

三四佳似
大方語致

暮春有感寄友人

鶯語鶯殘夢輕粧改淚容竹陰初月薄江靜晚烟濃濕

背銜泥燕香鬚採蕊蜂獨憐無限思吟罷亞枝松

三四
近老

贈隣女

羞日遮羅袖愁春嬾起粧易求無價寶難得有心郎枕
上潛垂淚花間暗斷腸自能窺宋玉何必恨王昌

三四
俚
而旨

六言律詩

寓言

紅桃處處春色碧柳家家月明樓上新粧待夜閨中獨
坐含情芙蓉月下魚戲蟬螭天邊雀聲人世悲歡一夢
如何得作雙成

作詩者一言迸出性情看詩者一往得其意態
百千世後如在照中讀此詩一望而觀其婉婉

七言律詩

寄子安

醉別千卮不浣愁離腸百結解無由蕙蘭銷歇歸春圃
楊柳東西絆客舟聚散已悲雲不定息情須學水長流

有花時節知難遇未肯厭厭醉玉樓

語有
芬氣

七言排律

次光威哀韻

昔聞南國容華少今日東隣姊妹三
粧閣相看鸚鵡賦碧牕應繡鳳凰衫
紅芳滿院參差折綠醕盈杯次第銜
恐向瑤池曾作女謫來塵世未為男
文姬有貌終堪比西子無言我更慙
一曲豔歌琴杳杳四絃輕撥語喃喃

當臺競鬪青絲髮對月爭誇白玉簪小有洞中松露滴
大羅天上柳煙含但能為雨心常在不怕吹簫事未諳
阿母幾嗔花下語潘郎曾向夢中參暫持清句魂猶斷
若覩紅顏死亦甘悵望佳人何處在行雲歸北又歸南

有態
有情

七言絕句

江行

大江橫抱武昌斜鸚鵡洲前萬戶家畫舸春眠朝未足

夢為蝴蝶也尋花

末句最佳種
情無復餘地

遊崇真觀南樓觀新及第題名處

雲峰滿目放春晴
歷歷銀鈎指下生
自恨羅衣掩詩句
舉頭空羨榜中名

意氣
嬌雄

題隱霧亭

春花秋月入詩篇
白日清幽是散仙
空捲珠簾不曾下

長移一榻對山眠

迎李近仁員外

今日喜時聞喜鵲
昨宵燈下拜燈花
焚香出戶迎潘岳
不羨牽牛織女家

江陵愁望寄子安

楓葉千枝復萬枝
江橋掩映暮帆遲
憶君心似西江水
日夜東流無歇時

酬李學士寄筩

珍簟新鋪翡翠樓，泓澄玉水記方流。
唯應雲扇情相似，同向銀牀恨早秋。

聞李端公垂釣回寄贈

無限荷香染暑衣，阮郎何處弄船歸。
自慚不及鴛鴦侶，猶得雙雙近釣磯。

妓常浩

七言古詩

贈鄭女郎古意

昨夜巫山中失却陽臺女朝來香閣裏獨伴楚王語艷
陽灼灼河洛神珠簾繡戶青樓春能彈箜篌弄纖指愁
殺門外少年子笑開一面紅粉粧東園幾處桃花死朝
理曲暮理曲獨坐牕前一片玉行也嬌坐也嬌見之令
人魂魄消堂前錦褥紅地鑪綠沈香榼傾屠蘇解珮時
時歇歌管芙蓉帳裏蘭麝滿晚起羅衣香不斷滅燭每
嫌秋夜短

太原妓

七言絕句

寄歐陽詹

自從別後減容光
半是思郎半恨郎
欲識舊來雲髻樣
為奴開取縷金箱

二語

趣甚

無名氏

七言絕句

雜詩十五首

十五首每覺有餘
韻餘情味之不盡

青天無雲月如燭
露泣梨花白如玉
子規一夜啼到明
美人獨在空房宿

空賜羅衣不賜恩
一燠香後一銷魂
雖然舞袖何曾舞
長對春風浥淚痕

語語
情深

不洗殘粧竝繡牀
却嫌鸚鵡繡衣裳
迴針刺到雙飛處
憶昔征夫淚數行

真情
深痛

眼想心思夢裏驚
無人知我此時情
不如池上鴛鴦鳥
雙宿雙飛過一生

一去遼陽繫夢魂
忽傳征騎到中門
紗牕不肯施紅粉
徒遣蕭郎問淚痕

語有
色態

鶯啼露冷酒初醒
菴畫樓西曉角鳴
翠羽帳中人夢覺
寶釵斜墜枕函聲

滿目笙歌一段空萬般離恨總隨風多情為謝殘陽意
與展晴霞片片紅

兩心不語暗知情燈下裁縫月下行行到階前知未睡
夜深聞放剪刀聲

可堪
悽斷

近寒食雨草萋萋着麥苗風柳映堤一是有家歸未得
杜鵑休向耳邊啼

洛陽才子鄰簫恨湘水佳人錦瑟愁今昔兩成惆悵事

臨邛春盡暮江流

浙江輕浪古悠悠望海樓吹望海愁莫怪鄉心隨魄斷
十年為客在他州

數日相隨兩不忘郎心如妾妾如郎出門便是東西路
把取紅牋各斷腸

無定河邊暮笛聲赫連臺畔旅人情函關歸路千餘里
一夕秋風白髮生

舊山雖在不關身且向長安過暮春一樹梨花一溪月

不知今夜屬何人

花落長川草色青
暮山重疊雨冥冥
逢春便覺飄蓬苦
今日分離一涕零

唐詩鏡卷四十八